



*Jumat, 11 Agustus 2023*  
**Ogen: Amos 5:16-20**



**“Sora Tangis ras Ngandung”**



Amos, sekalak nabi si gelarna isuratken i bas padan sindekah. Ia pang nuriken kebenaran kata Dibata, keadilan bage pe ncidahkan perbahanen pemerintah si la mehuli bage pe kegeluhen bangsa Israel. Kebenaren si isingetken Nabi Amos e me uga gelahna pemerintah sadar jenari erbahan mehuli i bas kepemimpinanna. Bangsa Israel pe mulihken nggeluh bagi sura-sura Dibata. Amos 5:16-20 nuriken kerna wari kerehen Tuhan. I bas kitab enda Nabi Amos ngatakan maka wari kerehen Tuhan e seumpama wari si gelap, la lit i terang; bagi sekalak si pulah arah babah arimo nari jenari ndabuh ku babah buaya; bagi sekalak jelma si mulih ku rumahna janah tupung ia tertande itagut nipe tanna. Gambaren wari kerehen Tuhan si ituriken Nabi Amos enda tempa-tempa la lit ije keriahen dengen kemalemene. Wari kerehen Tuhan e maba kebiaren, kesusahan bage pe cilaka.

Si enda i singetken janah sisuratken erkiteken kegeluhen bangsa Israel rikut pe ras perbahanen pemerintah nggeluh bagi ate-atena saja. Ketutusan ate bangsa Israel ersembah man Tuhan si icidakhenna lako erbahan perayaan-perayaan keagamaan labo erkiteken bage kin biakna; tapi perayan-perayan e encidahkan harga diri/kiniganjangen rukur bas bangsa Israel. Tuhu, bangsa Israel la lupa erbahan perayan agama bage erbahan persembahen-persembahen; tapi kegeluhen si icidahkan bangsa e me lagu Langkah si nggesuh, erlua-lua, muat hak si la jadi baginna, nindes dengen la adil nandang kalak sideban. E maka ituriken Nabi Amos nina, wari kerehen Tuhan e bagi kalak si tangis ras ngandung erkiteken kebiaren si turah.

Tuhu adi nadingken Tuhan, labo lit senangna i bas kegeluhen. Kentisik ngenca meriah, kedungenna gelap ras ate ceda. Erlajar kita janah jadi perenungen man banta, maka geluhta enda arus min sentudu ras sura-sura Dibata.

***"Ersembah man Tuhan nehken si mehuli bas kegeluhen"***